

Nr 373

Staatâräädi miärádás kuáskimijn puásuituáľun čyeccee vahâgij sajanmäksimist

Adelum Helssigist 18 peeivi njuhčamáánu 1999

Staatâräädi lii pirâsministeriö oovdânpyehtim maŋa meridâm:

1 §

Heivittensyergi

Kuáskimijn puásuituáľun čyeccee vaahâg puásuitipšomlaavâst (48/1990) uáivildum puásuitipšomkuávlust sajanmáksoo staatâ budjet mielđi staatâ vaarijn ton náálá ko taan miärádâsâst asáttuvoo.

2 §

Sajanmáávsu vuáđuldâh

Sajanmáksu vuáđuduvá kuáskimij purâmužžân koddám poccui áruvštállum miärán (*rekinnostum vaahâg*). Sajanjmáksu miärášuvá kuáskimij pessimtilálâšvuodâ já toi čivgâmere vuáđuuld rekinnostum reviirokuáhtásii kiärduttâs mielđi.

3 §

Sajanmáávsu meeri

Sajanmáávsu ruttámeeri vuáđuduvá pirâsministeriö nanodem rekinnostum vaahâgáárvun kiärdutmáin 2 momentist, 4 § 2 momentist tai 5 § 1 momentist uáivildum kiärduttâssáin.

Reviirikuáhtásâš kiärduttâs eres ko 4 §:st mainâšum palgâsij vijdoduvvâst kuáskim aassum reviirist lii ohtâ. Jis kuáskim aassum reviiiri pyevtit čiivgâid, lii kiärduttâs kuittâg kulmâ.

4 §

Loptejum sajanmáksu

Taan paragraafist uáivildum aledum kiärduttâssáin váldoo uáinun poccui stuárráb uási kuáskimij purâmušâst 3 momentist mainâšum palgâsij vijdoduvvâst.

Aledum kiärduttâs kuáskim aassum reviirist lii kyehti. Jis kuáskim aassum reviiiri pyevtit čiivgâid, lii kiärduttâs kuittâg vittâ.

Aledum kiärduttâs kiävttoo rekinnostittijn sajanmáávsu mere čuávuvâš palgâsij vijdoduvvâin oroo kuáskimij reviiirijn:

- 1) Päñituodâr,
- 2) Avveel,
- 3) Kaalduáivi,
- 4) Kietâkierrâg,
- 5) Kyrö,
- 6) Lappi,
- 7) Mudusjävri,
- 8) Myedhitsuodâr,
- 9) Näkkäl,
- 10) Njiävdâm,
- 11) Pačvei,
- 12) Paištuodâr,
- 13) Sallivääri,
- 14) Vääččir.

5 §

Sajanmáksu räjivijdoduvvâst

Reviirikuáhtásâš kiärduttâs Suomâ já Taažâ rääji kuábbáá-uv pel ollee reviirist, mon piervâl lii Taažâabeln, lii ain kyehti.

Puásuitipšomkuávlv rääji máddáábel ollee kuáskim reviirist máksoo uásálâš sajanmáksu.

6 §

Sajanmáávsu mäksim palgâsáid

Sajanmáksu máksoo palgâsân puohâin ton vijdoduvvâst oroo 3, 4 tai 5 §:st uáivildum kuáskimij reviiirijn.

Reviirikuáhtásáš sajanmaksu juáhho palgásij kooská, jis lii tiädust, et reviiri kuáskimeh kevttih poccuid purámužžân maangâ palgâs vijdoduvvâst. Jis reviiri lii mottoom uásild 4 § 3 momentist uáivildum palgâs vijdoduvvâst, rekinistoo sajanmaksu kevttimáin 4 § 1 momentist uáivildum kiárduttâs ubâ reviiri uásild.

Laapi piráskuávdáš meerrid sajanmáávsuin já máksá sajanmáávsuid palgásáaid pirásministeriö tade várás čujottum vaarijn sehe pirásministeriö miäradâsâi mielđ. Sajanimaksu máksoo ihásávt roovvâdmáánu 31 peeivi räi.

7 §

Sajanmaksu vittádum poccuin

Paalgâs máksá sajanmaksuruudâin poccuu omâsteijee vátamuš mielđi sunjin sajanmáávsu vittádum poccust, maid kuáskim lii koddám, teikkâ ton lii karttâm koddeđ kuáskimijn čyeccee vaahâg tiet.

8 §

Čielgiittäsh já tarkkuumeh

Meccihaldättâs čielgee ihásávt kuáskimij

Helsigist 18 peeivi njuhčâmáánu 1999

Pirásminister *Pekka Haavisto*

pessimtilälâšvuodâ já čivgâpyevtittem 3 § 1 momentist uáivildum reviirikuáhtásii kiárduttâs rekinistim várás sehe čielgee já táárbu mielđ árvuštâl Taažâ vijdoduvvâst Suomâ räáji aldasijn orroo reviiirij lohomere.

Táárbu mielđ Meccihaldättâs puáhtá poccuu omâsteijee táttum maŋa ornid vaahâgsajan meccitarkkum vittádum poccuu jäämmimsuujâ visásmittem tiet.

9 §

Tärhibeh miäradâsah

Tärhibeh miäradâsah taam miäradâs oláštumist addel pirásministerö táárbu mielđ.

10 §

Vuáimánpuáttim

Taat miäradâs puátá vuáimán 1 peeivi cuáŋuimáánu 1999. Miäradâs heiviittuvvoo juo 1 peeivi uđđáivemáánu 1998 räájist nuuvt, et ive 1998 pessimpuudâ sajanmáávsuh máksojeh 15:d peeivi cuáŋuimáánu 1999 räi.

Pajekoccee Leila Suvantola